



**bhansa**

AGENCIJA ZA PRUŽANJE USLUGA U ZRAČNOJ  
PLOVIDBI BOSNE I HERCEGOVINE  
АГЕНЦИЈА ЗА ПРУЖАЊЕ УСЛУГА У ВАЗДУШНОЈ  
ПЛОВИДБИ БОСНЕ И ХЕРЦЕГОВИНЕ  
BOSNIA AND HERZEGOVINA AIR NAVIGATION  
SERVICES AGENCY

**Broj: 1-25-16-4-3703-16/18**  
**Mostar, 19.11.2018.godine**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 64. stav (1) tačka b), člana 70. stav (1), (3) i (6) Zakona o javnim nabavama („Službeni glasnik BiH“, broj: 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 8. stav (2) tačka f) Pravilnika o uspostavljanju i radu Komisije za nabave („Službeni glasnik BiH“ broj: 103/14), na preporuku Komisije za javnu nabavu broj:1-25-16-4-3703-15/18. godine, u postupku za javnu nabavku izgradnje privremenih objekata za smještaj radiokomunikacione opreme na lokaciji Kozara-Lisina, direktor Agencije za pružanje usluga u zračnoj plovidbi Bosne i Hercegovine, na osnovu zaključka sa 79. sjednice Uprave Agencije održane dana 15.11.2018. godine, donosi

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za javnu nabavu broj: 1-25-16-4-3703-15/18.od 22.10.2018. godine i ugovor za nabavku izgradnje privremenih objekata za smještaj radiokomunikacione opreme na lokaciji Kozara-Lisina, dodjeljuje se ponuđaču KONZORCIJUM: TeleGroup d.o.o Banja Luka i ARS Inženjering d.o.o Banja Luka s ukupnom ponuđenom cijenom u iznosu od **49.503,00 KM (bez PDV-a)**.

#### **Član 2.**

Ova odluka će se objaviti na web-stranici [www.bhansa.gov.ba](http://www.bhansa.gov.ba) istovremeno s upućivanjem ponuđaču koji je učestvovao u postupku javne nabave, u skladu sa članom 70. stav (6) Zakona o javnim nabavama.

#### **Član 3.**

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Na osnovu Odluke o pokretanju postupka javne nabavke izgradnje privremenih objekata za smještaj radiokomunikacione opreme na lokaciji Kozara-Lisina, broj 1-11-16-4-3703-2/18 od 30.08.2018. godine, Komisija je pokrenula postupak nabavke putem konkurentskog zahtjeva za dostavu ponuda. Obaveštenja o nabavci broj: 1250-7-3-140-3-74/18, objavljeno je na portalu Agencije za javne nabavke dana 03.10.2018. godine.

Konkurentski zahtjev za dostavu ponuda je upućen sljedećim ponuđačima:

1. ROAMING NETWORKS Banja Luka
2. KONSING BS Banja Luka
3. ARS Inženjering Banja Luka

Do krajnjeg roka za preuzimanje tenderske dokumentacije istu su sa portala javnih nabavki pruzeli sledeći ponuđači:

1. BBS Europe
2. Ekapija doo
3. MIBO KOMUNIKACIJE D.O.O
4. Telegroup doo Banja Luka
5. ARS INŽENJERING d.o.o

## 6. ASIA doo KOZARSKA DUBICA

Na održanoj sjednici dana 18.10.2018. godine, Komisija je konstatovala da je u predviđenom roku, u propisano zapakovanoj koverti pristigla jedna ponuda i to kako slijedi:

### KONZORCIJUM:

Telegroup d.o.o Banja Luka , ul.Marije Bursać 78000 Banja Luka  
i ARS Inženjering d.o.o Banja Luka, ul Ciglane br 39. 78000 Banja Luka

Komisija je u skladu s odredbama ZJN , pristupila otvaranju ponude o čemu je sačinjen poseban zapisnik koji je u zakonskom roku dostavljen ponuđaču.

Nakon otvaranja ponuda Komisija je nastavila rad na analizi pristigle ponude, te izvršila ocenjivanje prema kriterijumu definisanim tenderskom dokumentacijom. Ponuda Konzorcijum: TeleGroup d.o.o Banja Luka i ARS Inženjering d.o.o Banja Luka je u skladu sa zahtjevima iz Tenderske dokumentacije broj:1-25-16-4-3703-6/18 od 01.10.2018.godine, odnosno ista je prihvatljiva.

Ponuđač je ponudio slijedeću cijenu:

Naziv / ime ponuđača	Ponuđena cijena (bez PDV-a)
KONZORCIJUM: TeleGroup d.o.o Banja Luka i ARS Inženjering d.o.o Banja Luka	49.503,00 KM

S obzirom da je Obavještenjem o nabavi i tenderskom dokumentacijom bila predviđena e-aukcija, ista nije održana iz razloga što se u skladu sa članom 3. stav (3) Pravilnika o uvjetima i načinu korištenja e-aukcije, u slučaju prijema jedne prihvatljive ponude e-aukcija ne može zakazati.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, u skladu sa kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom.

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove odluke.

### POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove Odluke.



### Dostaviti:

- Ponuđaču
- Web stranica BHANSA-e
- a/a